

r. br. Ego Mater * Pulchræ dilectionis. Ego Mater. v. Et timoris et agnitionis et sanctæ spei. Pulchræ dilectionis. Gloria Patri. Ego Mater.

v. In me omnis gratia viæ et veritatis. r. In me omnis spes vitæ et virtutis.

AD NONAM.

Capitulum. Eccli. 24.

In me gratia omnis viæ et veritatis, in me omnis spes vitæ et virtutis. Transite ad me omnes qui concupiscitis me, et a generationibus meis implerini.

r. br. Qui me invenerit * Inveniet vitam. Qui me. v. Et hauriet salutem a Domino. Inveniet vitam. Gloria Patri. Qui me.

v. Transite ad me omnes qui concupiscitis me. r. Et a generationibus meis implerini.

IN II. VESPERIS.

Omnia ut in I. Vesp., præter sequentia.

HYMNUS.

Omnis expertem maculæ Mariam
Edocet summus fidei magister ;
Virginis gaudens celebrat fidelis
Terra triumphum.

Ipsa se præbens humili puella
Virgo spectandam, recreat paventem,
Seque conceptam sine labe sancto
Prædicat ore.

Concordat cum suo originali. In fidem, etc.

Ex Secretaria Sacrorum Rituum Congregationis die 23. Januarii 1891.

L. † S.

Pro R. P. D. VINCENTIO NUSSI, Secretario.

JOANNES PONZI, Substitutus.

Imprimatur : † EDUARDUS CAR., Arch. Marianopolitanus.

Marianopoli, die octavâ decembris 1892.

O specus felix, decorate divæ
Matris aspectu ! veneranda rupes,
Unde vitales scaturere pleno
Gurgite lymphæ.

Huc catervatim pia turba nostris,
Huc ab externis peregrina terris
Affluit supplex, et opem potentis
Virginis orat.

Excipit Mater lacrimas precantum,
Donat optatam miseris salutem ;
Compos hinc voti patrias adoras
Turba revertit.

Supplicum, Virgo, miserata casus,
Semper o nostros refove labores,
Impetrans mœstis, bona sempiternæ
Gaudia vitæ.

Sit decus Patri, genitæque Proli,
Et tibi compar utriusque virtus
Spiritus semper, Deus unus omni
Temporis ævo.

Amen.

v. Dignare me laudare te, Virgo
sacrata. r. Da mihi virtutem contra
hostes tuos.

Ad Magnif. Ant. Hodie gloriosa
cœli Regina in terris apparuit ; hodie
populo suo verba salutis et pignora
pacis attulit ; hodie Angelorum et fi-
delium chori Immaculatam Concep-
tionem celebrantes gaudio exsultant,
alleluia.